



19. maji 2011

Inatsisartut suleriaasianni § 37, naapertorlugu matumuuna imaattumik Naalackersuisunut apeqquteqarpugut:

Apeqqut: Avannaanut upernaakkut pilersuinnermut umiarsuit (forsyningsskibe) siusinnerusukkut pajuttalernissaat Naalackersuisut qulakkeerniarpaat?

(Inatsisartuni Ilaasortat, Knud Kristiansen, Siverth K. Heilmann, ATASSUT)

Tungavilersuut:

Ukiut kingullerni sikuunikinnerusalernerata kinguneranik avannaani umiarsuit pajuttut siusinnerusukkut ukiut tamaasaanngikkaluartoq tikittarput, tamanna nioqqutissaqarnikkut, minnerunngitsumillu tunitsiviit ulikkaaqqasut tunioraavigineqaleqqissinnaanerannut tamanna pingaaruteqartarpoq.

Maannakkut avannaani pingaartumik Upernavik eqqaanilu nunaqarfiit eqqarsaatigalugit nioqqutissatigut annertuumik amikkisaarneqarpoq, aammalu tunitsiviit ulikkaaqqasut pissutigalugit aalisartut tuniseqqissinnaanngillat, taamaasillutillu aamma aningaasarsiornerat tassuunakkut eqqorneqarpoq. ATASSUT-miit isumaqarpugut upernaakkut umiarsuit siusinnerusukkut pajuttarsinnaanerata isumaliutigisariaqartoq, taamaasilluni nioqqutissaqarnikkut, tunitsiviillu avammut nassiussassaata toqqorsivinni utaqqisut piaarnerusumik tunisanik tigooraaqqilernerusinnaanerannik kinguneqartussaammat.

Inussiarnersumik Inuulluaqqusilluta

ATASSUT-mi Inatsisartuni Ilaasortat.